

**Ilassinninnermut aningaasartuutunik, angalanermi aningaasartuutunik aamma aningaasartuutunik allanik il.il. Naalakkersuisut atuinerat pillugu Naalakkersuisut kaajallaasiataat.**

(Naalakkersuisunut ilaasortanut tamanut aamma pisortaqaqfinnut tamanut kiisalu Naalakkersuisoqarfiit ataaniittunut immikkoortortanut tamanut)

**Kapitali 1**

*Ilassinninneq*

§ 1. Inatsisartuni Naalakkersuisunilu il. il. ilaasortat aningaasarsiaqartitaanerat il.il. pillugit Inatsisartut inatsisaat naapertorlugu Naalakkersuisut siulittaasuat Naalakkersuisunilu ilaasortat Nunatta Karsiata akiligaanik ilassinninnermut aningaasartuuteqarsinnaatitaapput.

§ 2. Ilassinninnermut aningaasartuutunik atuinermi immikkut ittumik pissutissaqartoqassaaq. Ilassinninnermut aningaasartuutunik atuinermi akikinnerpaatitsiniartoqassaaq.

§ 3. Ilassinninnermut aningaasartuutaasartut pingaarnernut pingasunut avinneqarsinnaapput:

- Nerineq
- tunissutit aamma
- aningaasartuutit allat.

*Imm. 2.* Ilassinninnermut atugassanik, ataatsimiinnerni atugassanik imaluunniit allanut atugassanut Nunatta Karsianit aningaasanik tupanik pisinermut aningaasartuutitut atuisoqassanngilaq.

§ 4. Ilassinninnermut aningaasartuutunik atuinermi, tassani ilanngullugit neriniartarfimmi nerineq il.il. aamma allani kikkunnit tamanit iserfigineqarsinnaasuni, imaluunniit Hans Egede Illuani aaqqissuussinerni, nammineq angerlarsimaffigisami imaluunniit allani, tamatigut nassuiaammik naatsumik suliaqartoqartassaaq, tassani takuneqarsinnaassalluni, sooq Namminersornerullutik Oqartussat soqutigisarigaat aningaasartuutit Nunatta Karsianiit akilerneqarnerut. Nassuiaammi aamma aningaasartuuteqarnermi siunertaq, inuit peqataasut kikkunerat ataasiakkaarlugit imaluunniit eqimattangorlugit allanneqassapput, tak. § 15, imm. 1. Nassuiaat Naalakkersuisunut ilaasortamit pineqartumit atsiorneqassaaq aamma aningaasartuutit naatsorsuutini atugassat uppersaataannut ilanngullugu kakkiunneqassaaq.

*Imm. 2.* Imm. 1-imi taaneqartumi ilassinninnermi, peqataasumut ataatsimut aaqqissuussinermi ataatsimi aningaasartuutit, atorfillit ullormusiaqartitaaneranni ullormusiat atuuttut ullup unnuallu ataatsip ingerlanerani annertussusaat 100 %-imik ilallugit, qaangissanngilai, matumani pineqanngippat aaqqissuussinerit pisortatigoortumik sinniisut, soorlu borgmesteri, Naalakkersuisunut ilasortat imaluunniit qaffasinnerusumik inissisimasut peqataanerat. Aningaasartuuteqartoqarpat, amerlanerpaaffissatut killiliussaqaqaangerlugu, taakku Naalakkersuisunut ilaasortamit akilerneqassapput.

§ 5. Inunnut ataasiakkaanut tunissuteqartoqarsinnaavoq Namminersornerullutik Oqartussanut immikkut pingaaruteqartunut imaluunniit pingaaruteqarsimasunut ilassinninnermut aningaasartuutunik atuinikkut. Tunissutit taamaattut akunnaatsuni inuuissiornermut atasumik tuniunneqarsinnaapput, tassa 50-inik, 60-inik, 70-inik, 80-inik, 90-inik aamma 100-nik ukioqalersunut, ukiut 25-nngortorsiorlugit, 40-nngortorsiorlugit imaluunniit 50-inngortorsiorlugit atorfeqarnermi nalliuttorsiorlutit, katinermi, ukiut 25-nngortorsiorlugit aamma ukiut 50-inngortorsiorlugit katiffissiornermi aamma toqusoqarnerani. Pisuni ataasiakkaani immikkut tamani tunissutinut aningaasartuuteqartoqarsinnaavoq, pisumi pineqartumi pisarnernut naleq

quttutut isigineqartumik. Taamaattoq pisuni tamaattuni ataasiakkaani aningaasartuutit 1.000 kr.-it sinnerneqassanngillat.

*Imm. 2.* Pisuni allani imm. 1-imi taaneqartut saniatigut ilassinninnermut aningaasartuuteqartoqarsinnaavoq tunissuteqarnikkut inunnunntut ataasiakkaanut imaluunniit allanut immikkut qujassuteqarfigisariaqarlutik nersortarialinnik suliaqarsimasunut. Tunissutit taamaattut tassaa-sinnaapput soorlu naasut aamma viinit il.il. Taamaaliornermi aningaasartuutit pinerit tamaasa 300 kr.-it sinnissanngilaat.

*Imm. 3.* Suliffeqarfinnut, matumani aamma ilanngullugit Namminersornerullutik Oqartussat ataani suliffeqarfinnut, suliffinnut, peqatigiiffinnut imalluunniit kattuffinnut Kalaallit Nunaanni angerlarsimaffeqartunut imaluunniit Kalaallit Nunaannut immikkut pingaarutilinnut tunissuteqartoqarsinnaavoq ilassinninnermut aningaasartuutinik atuinikkut. Tamanna pisinnaavoq suliffeqarfiup il.il. pineqartup nalliuttorsiorluni aqqissuussinerani imaluunniit ukiu-moortumik nalliuttorsiornerani imaluunniit allamik immikkut ittumik pissuteqarluni aqqissuussinerani. Pisuni taamaattuni ataasiakkaani aningaasartuutit 5.000 kr.-it tikillugit ator-neqarsinnaapput.

*Imm. 4.* Aqqissuussinerni pisortatigoortumik sinniisut, soorlu borgmesteri, Naalackersuisunut ilasortat imaluunniit qaffasinnerusumik inissisimasut peqataaffigisaanni, tunissutinut aningaasartuutit ator-neqarsinnaapput imm. 1-3-mi pisuni taaneqartut qaangerlugit aamma aalajangersakkani aningaasat amerlassusissaat qaangerlugit.

*Imm. 5.* Tunissuteqarnissamut pilersaaruteqaraanni aningaasartuuteqarnissamik nassataqartussamik, pisuni ataasiakkaani imm. 1-3-mi taaneqartumik aningaasartaliussat qaangerlugit, imaluunniit pisuni allani, aalajangersakkani taaneqartut avataaniittunut tunissuteqartoqarnissamik pilersaaruteqartoqarpat, taamaaliornermi Naalackersuisut siulittaasuannit tamanna sioqqullugu allakkatigut akuersissumik pissarsisoqaqqassaaq. Akuersissut aningaasartuutaasut naatsorsuutinut nalunaarsuinermi uppersaammut ilanngullugu kakkiunneqassaaq.

*Imm. 6.* Namminersornerullutik Oqartussani sulisorisanut, matumani ilanngullugit suliffeqarfinni namminersortitani, suliffeqarfinni immikkoortortanilu atilequtaasuni kiisalu ingerlatseqatigiiffinni Namminersornerullutik Oqartussani ilaannakortumik tamakkiisumilluunniit pigineqartuni suliffimmit soraarnermut atatillugu imaluunniit immikkut ittumik pissuteqarluni sulisorisanut tunissutit, ilassinninnermi aningaasartuutit isigineqassanngillat pisorta qarfiullu kontoanut kontolerneqassallutik.

**§ 6.** Aqqissuussinernut tunngatillugu aningaasartuutit, Kalaallit Nunaanni Namminersornerullutik Oqartussat qitiusumik allafeqarfianeersuinnarnit aamma Naalackersuisunut ilaasortamit ataatsimit amerlanerusunilluunniit kiisalu pineqartut apparisaanit inooqataannilluunniit kisimi peqataaffigineqartut, pisorta qarfiup kontoanut kontolerneqassapput.

*Imm. 2.* Aqqissuussinermi peqataasut ilai tassaappata Namminersornerullutik Oqartussat qitiusumik allafeqarfiani atorfillit imaluunniit Naalackersuisunut ilaasortat aamma ilai tassaappata peqataasut avataaneersut, aningaasartutit peqataasut amerlassusaannut naleqqiulugit naatsorsorneqarneranni avinneqassapput, taamaalilluni avinnerup ilaa qitiusumi allafeqarfinni atorfilinnut tunngasoq pisorta qarfinnit, aqqissuussinermik isumaginnittumit akilernerqarluni. Aqqissuussinermi pineqarpat, atorfillit aamma peqataasut allat amerlassusaat aalajangersarneqarsinnaanani, aningaasartuutit ilai Naalackersuisut kontoata aamma pisorta qarfiup kontoata akiligassaat missingersuussinikkut avinneqarlutik amerlassusilerneqarsinnaapput. Aningaasartuutit ilai, Naalackersuisunut ilaasortanut taakkulu apparisaanut inooqataannilluunniit tunngasut aamma peqataasunut avataaneersunut tunngasut Naalackersuisut kontoanit nammanneqassapput. Aningaasartuutit ilai, Kalaallit Nunaanni Namminersornerullutik Oqartussani atorfillit taakkulu apparisaanut inooqataannilluunniit tunngasut pisorta qarfiup kontoanit nammanneqassapput.

§ 7. Aningaasartuutit allat, tak. § 3, imm. 1, tassaapput ussassaarutit allallu, Namminersornerullutik Oqartussat taaguutaanik aamma ilisarnaataanik naqinnillit immikkut suliaritit. Taakkununga aningaasartuutit ilai annikinnerusut Naalakkersuisut kontoannit akilerneqarsinnaapput, aningaasartuutitut uppersaasatit naatsorsuutitut ilanngunneqartussanut piumasqaatit, siunertamut, peqataasunut il.il. tunngasut, ilassinninermut aningaasartuuteqarnermi piumasqaataasartut naammassinngikkaluarlugit.

## Kapitali 2

### *Angalanermi aamma najugaqartarnermi aningaasartuutit*

§ 8. Aningaasarsiaqartitaaneq pillugu inatsit naapertorlugu Naalakkersuisut siulittaasuata aamma Naalakkersuisunut ilaasortat Naalakkersuisut siulittaasuattut aamma Naalakkersuisunut ilaasortatut angalanerannut aningaasartuutaat akilerneqartussaapput. Nerisaqarneq aamma najugaqarneq akilerneqassapput akiligassiisoqarnera malillugu kingornalu malitsigisaanik Nunatta Karsianut akilertinneqarlutik.

*Imm. 2.* Timmisartorluni angalanerni, qimmuttuitsorluni angalanerni imaluunniit allatut angalanerni 1. klasse imaluunniit assigisaa atorneqassaaq. Inassutigineqarpoq angalanerit imatut aaqqissorneqartassasut, sapinngisamik akikillisaasarnernut aaqqissuussinerit atorneqarsinnaangorlugit.

*Imm. 3.* Naalakkersuisunut ilaasortaq aamma Namminersornerullutik Oqartussani atorfillit angalanermi ataatsimut angallassissumik atugaqarpata, peqataasullu tamaasa immikkoortillugit qanoq akiliuteqarnissaanik akiligassamik suliaqartoqarani, peqataasut amerlassusaat naapertorlugit aningaasartuutitut akiligassaq agguarneqassaaq. Aningaasartuutit ilai, Naalakkersuisunut ilaasortamut tungatinneqartut, Naalakkersuisut kontoannit akilerneqassapput, aningaasartuutillu peqataasunut allanut tunngasut, pisorta qarfiup pineqartup kontoannit akilerneqarlutik.

*Imm. 4.* Nerinermut aningaasartuutit akiliuteqartoqarpat, ullup unnuallu ataatsip ingerlanerani aningaasartuutit amerlassusaasa qaangissanngilai atorfillit atuuttut ullup unnuallu ataatsip ingerlanerani ullormusiarisartagaasa amerlassusaat atuuttut 100 %-imik ilallugit. Angalanerit pinerit tamaasa qaangiunneranni tamakkiisumik naatsorsuusiortoqartassaaq akiliutisallu inaarutaasut isumannaarneqarlutik. Naatsorsuusiortermit sunniuteqassanngilaq, siusinnerusukut akiliutissanik inaarutaasumik isumannaarnermi aningaasartuutaasut aningaasartuutissatut killiuliussanit annikinnerunerat. Aningaasartuutaasut, aningaasartuutissat amerlanerpaaffissaanik qaangiissutaasut, Naalakkersuisunut ilaasortamit pineqartumit akilerneqassapput.

*Imm. 5.* Namminersornerullutik Oqartussani atorfilik, atorfeqarnermut tunngatillugu angalaqataasoq Naalakkersuisunut ilaasortap nerisaata assinganik nereqataappat, aalajangersagaq imm. 4-miittoq assingusumik atuutinneqassaaq. Pisuni tamaattuni aningaasartuutiginneqartut ilai, atorfilimmut tunngatinneqarsinnaasut pisorta qarfiup pineqartup kontoannit akilerneqassapput. Atorfilinnut tunngatillugu aammattaq ullormusiassat ilanngaaffigineqassapput, imaattoqarpat, matuma malitsigisaanik atorfeqarnermut tunngatillugu angalanermi amerlanerusunik aningaasartuuteqarnermi ajunngitsorsiassat pillugit maleruagassat nalinginnaasut tamatumunnga tunngasut malillugit.

*Imm. 6.* Naalakkersuisunut ilaasortanut atisanik pisinermut aningaasartuuteqartoqarsinnaanngilaq. Taamaattorli atorfeqarnermut tunngasumik angalanermut atatillugu, inuttut nammineq atisarissat errorneqarnerannut salinneqarnerannullu aningaasartuuteqartoqarsinnaavoq. Taamatuttaaq pisortatigoortumut aaqqissuussinerni peqataanermi, nalliuttorsiortermit atisat immikkut ittut atorneqartussaattillugit, nalliuttorsiortermit atisanik attartornermut aningaasartuuteqartoqarsinnaavoq.

§ 9. Aningaasarsiaqartitaaneq pillugu inatsit naapertorlugu Naalakkersuisut siulittaasuata aamma Naalakkersuisunut ilaasortat pisuni immikkut ittuni aapparisartik imaluunniit inooqatigisartik Naalakkersuisut siulittaasuattut aamma Naalakkersuisunut ilaasortatut angalanermi peqatigisinnaavaat. Taamaaliorsinnaaneq aatsaat atorneqassaaq, pisortatigoortumik sinniisup, soorlu borgmesterip, Naalakkersuisunut ilasortap imaluunniit qaffasinnerusumik inissisimasup peqataasup aapparisaa imaluunniit inooqatigisaa aqqissuussinernut atasumik peqataapat. Aalajangersakkat § 8, imm. 1 – 4 aamma imm. 6, aammattaaq aapparisamut imaluunniit inooqatigisamut assingusumik atuupput.

*Imm. 2.* Aapparisap imaluunniit inooqatigisap atorfeqarnermut tunngasumik angalarnermi peqatiginissaannut imm. 1-imi taaneqartunik allaanerusunik pissutissaqarpat, taamaaliornissaq sioqqullugu Naalakkersuisut siulittaasuannit allallugu akuersissummik pissarsisoqaaqqaassaaq. Aningaasartuutit naatsorsuutininut nalunaarsorneqarneranni aningaasartuutininut uppersaammut ilaliussamut akuersissut kakkiunneqassaaq.

### Kapitali 3

#### *Aningaasartuutit allat*

§ 10. Naalakkersuisut ataatsimiitartfiata ingerlanneqarneranut aamma sulianut tunngasumik ataatsimiitartfiup Naalakkersuisunit imaluunniit Naalakkersuisunut ilaasortanit ataasiakkaanit atorneqarneranni sutugassaqartitsinermi atasumik aningaasartuutit Naalakkersuisut kontoanit akilerneqarsinnaapput. Taamatuttaaq nunanit allanit sinniisut, soorlu borgmesteri, Naalakkersuisunut ilasortat imaluunniit qaffasinnerusumik inissisimasut tikeraarneranni atasumik biilip atorneqartartup ingerlanneqarneranut aningaasartuutit pisisoqassappallu pisinermi aningaasartuutit Naalakkersuisut kontoannit akilerneqassapput.

§ 11. Allaffissornermut, matumani ilanngullugit pequtiniq, qaraasaasianik, oqarasuartaatinik angallattakkanik aamma oqarasuartaatinik allanik, nutserinermi aningaasartuutit, aviisinik, atorfeqarnermi biilimik il.il. Naalakkersuinut ilaasortap atugassaanik pisinermi ingerlatsinermilu aningaasartuutit Naalakkersuisoqarfimmit atasumit pisortaqarfimmit/pisortaqarfinnit akilerneqassapput. Assinganik atuuppoq Nuummi allanilu ataatsimiinnermut atasumik aamma suliassanik suliqarnermut atasumik sutugaqarnermi il.il. aningaasartuutininut tunngasut, taakku kapitali 1 malillugu ilassinninnerunngippata. Naalakkersuisunut ilaasortap toqqassappagu Nuummi atorfimmut atatillugu biilimik atugassinneqarani taxamik atuinissaq, aningaasartuutit taakkuttaaq pisortaqarfimmit pineqartumit akilerneqassapput.

*Imm. 2.* § 4-mi aalajangersakkat assingusumik atuutissapput atorfeqarnermut tunngasunik aqqissuussinermi, taamaallaat Naalakkersuisunut ilaasortanit immaqalu aamma Inatsisartunut ilaasortanut peqataaffigineqartuni. Tamannali aqqissuussinerni aningaasartuutininut atuutinnigilaq, Kalaallit Nunaanni Namminersorerullutik Oqartussani allaffeqarfinni pisuni, imaluunniit atorfimmut tunngatillugu angalanermi nerisaqarnermut aningaasartuutininut, tak. § 8.

*Imm. 3.* Imm. 2, immikkoortoq 1-imi pineqartuni aningaasartuutit Naalakkersuisut kontoanut kontolerneqassapput taakkulu § 13-imi Naalakkersuisunut ilaasortat ilassinninnermut aningaasartuutaanut aningaasartuutissatut killiliunneqartut iluaniitinneqassallutik.

§ 12. Aningaasarsiaqartitaaneremut inatsit naapertorlugu Naalakkersuisut siulittaasuata aamma Naalakkersuisunut ilaasortat atorfimmut atasumik ineqartinneqassapput maleruagassat aningaasarsiaqartitaanermi inatsimmi aalajangersakkat naapertorlugit.

*Imm. 2.* Naalakkersuisut siulittaasuata imaluunniit Naalakkersuisunut ilaasortap kissaatigip-pagu pequsersukkamik ineqartinneqarnissaq, INI A/S-ip pequsersuineq isumagissavaa, Nam

minersornerullutik Oqartussani atorfilinnut pequsersorlugu inissaqartitsisarnermi pitsaassuse-ritinneqartoq aningaasartuutaasartullu naapertorlugit. Naalakkersuisunut ilaasortaq pequser-sukkamik ineqartinneqartoq, ingerlaavartumik pequsersuinermit akiliummik akiliutaasartut atuuttut malillugit akiliuteqartassaaq. INI A/S-ip inigisap pequsersuineranut Nunatta Karsiata aningaasartuutai Naalakkersuisut kontoatigit akilerneqassapput.

*Imm. 3.* Pequsersukkamik inigisaqartitsisoqarpat, pigisat inummut tunngalluinnartut nutser-nermi pigisat assartorneqarnerannut il.il. aningaasartuutit tunngassuteqartut taammaallaat aki-lerneqassapput, Namminersornerullutik Oqartussani atorfillit pequsersukkamik ineqartinne-qartut pineqarnerat assigalugu.

## Kapitali 4

*Aningaasaliissutit killissaat aamma akuersissuteqartarneq il.il.*

§ 13. Naalakkersuisut siulittaasuata aamma Naalakkersuisunut ilaasortat ataasiakkaat akisus-saaffimmi iluani ukiumut ilassinninnermut aningaasartuuteqarsinnaapput 150.000 kr.-it tikil-lugit. Naalakkersuisunut ilaasortaq ukioq tamaat Naalakkersuisuni ilaasortaasimangippat, ilassinninnermut aningaasat atugassat annertussuseqassapput 150.000 kr.-it 1/12-ii qaammatit aallartinneranni tamani, pineqartup Naalakkersuisunut ilaasortaanerani. Taamatuttaaq Naa-lakkersuisut siulittaasuata ilassinninnermut konto ataatsimoorussaq 1.000.000 kr.-it tikillugit amerlassuseqartoq atuiffigisinaavaa.

*Imm. 2.* Naalakkersuisunut ilaasortap allakkatigit atuinissaq sioqqullugu Naalakkersuisut siulittaasuata akuersineratigit kontomit ataatsimoorussamit ilassinninnermut aningaasartuutit matussusertissinnavai. Taamatut akuersissuteqarnissami piumasaqaataavoq paasissutissat makku tunniunneqarnissaat:

- aningaasartuuteqarnissamut siunertaq
- inuit peqataasut matumani ilanngullugit amerlassusiat, ataasiakkaajunersut imaluunniit eqimattaanersut aamma
- aningaasartuutit amerlassusissaanik missingiut.

*Imm. 3.* Kontomit ataatsimoorussamit ilassinninnermut aningaasartuutitut akiliisoqarnis-saanik imm. 2 malillugu noqqaaneq nassiunneqassaaq pisortatigoortumik nunanit allaniit tike-raartoqarnermi imaluunniit Naalakkersuisut nunanut allanut tikeraarneranni, aqqissuussiner-ni pisortatigoortumik sinniisut, soorlu borgmesteri, Naalakkersuisunut ilasortat imaluunniit qaffasinnerusumik inissisimasut peqataappata aamma pisuni Namminersornerullutik Oqartus-sat sinnerlugit saqqummersitsinerni, nittarsaanerni imaluunniit aqqissuussinerni assingusuni peqataanermi.

*Imm. 4.* Naalakkersuisut siulittaasuata imm. 2 naapertorlugu akuersissuteqarnerani nalunaa-rutigineqassaaq kontomit ataatsimoorussamit aningaasat atorneqarsinnaasut amerlanerpaaffis-saat.

*Imm. 5.* Akuersissumik imm. 2 naapertorlugu pissarsiniarnermi immersugassaq, kaajallaasi-tamut matumunnga ilannguneqartoq atorneqassaaq. Aningaasartuutit naatsorsorneqareerpata, Naalakkersuisoqarfiup aningaasartuutit tamarmiusut Naalakkersuisut Allattoqarfianit akiler-sinneqarnissaat isumannaasavaa, taamaattorli aningaasat amerlanerpaaffissaattut akuerisat amerlassuseritillugit. Akiliisitsilluni isumannaarinnermi naatsorsuutitut uppernarsaatit assiline-risa nassiunneranni, kontomit ataatsimoorussamit atuisoqarsinnaaneranut Naalakkersuisut siulittaasuata allakkatigit akuersissutaata assilineri kakkiiunneqassaaq.

*Imm. 6.* Imm. 3-mi taaneqartut saniatigit angalanermut, najugaqarnermut il.il. Naalakker-suisunut ilaasortat aamma Kalaallit Nunanni Namminersornerullutik Oqartussani atorfillit aamma taakkua aapparisaasa inooqataasaluunniit saniasigut aningaasartuuteqarnissamut pisa-riaqartitsisoqarpat, aningaasartuutit tamaattut ilassinninnermut aningaasartuutit pillugit male-

ruagassani imm. 2 – 5 naapertorlugu kontomit ataatsimoorussamit aningaasartuutigineqassapput.

**§ 14.** Naalakkersuisut siulittaasuata aamma Naalakkersuisunut ilaasortat Naalakkersuisunut ilaasortat suliaqarnermut atatillugu angalanermut aningaasartuutit killissaat Naalakkersuisut aalajangersassavaat.

*Imm. 2.* Naalakkersuisut kontoanut aningaasaliissutit ilaat, ilassinninnermut aamma angalanermut aningaasartuutininut atugassatut immikkoortinneqanngitsut aningaasartuutininut allanut atorineqassapput, aningaasarsiaqartitaanermi inatsit naapertorlugu akilerneqartussanut imaluunniit Naalakkersuisut kontotigut aammattaaq akilerneqarsinnaapput kontomut aningaasaliissuteqarnermi tunngavigineqartut naapertorlugit. Naalakkersuisut Allattoqarfiat piginnaatinneqarpoq aningaasartuutininut taamaattunut atuinissamut.

**§ 15.** Naalakkersuisunut ilaasortat, Nunatta Karsiata akiligaanik ilassinninnermut aningaasartuutininik atuisut, naatsorsuutininut atugassani uppersarsaatininut ataasiakkaanut aningaasartuutininik atuinerup siunertaa allassavaat, aamma inuit peqataasut kikkuuneri, ataasiakkaarlugit imaluunniit eqimattanngorlugit.

*Imm. 2.* Ilassinninnermut aningaasartuutininut uppersarsaatit, Naalakkersuisut kontoanit akilerneqartut, Naalakkersuisunut ilaasortamit pineqartumit atsiorneqassapput.

*Imm. 3.* Atsiornermi, tak, imm. 2, Naalakkersuisunut ilaasortaq uppersarsaassaaq, aningaasartuutit ilassinninnermut tunngasut, aamma aningaasartuutininut akiliuteqarneq aningaasaliissutininut matusissutissaqartut.

**§ 16.** Naalakkersuisunut ilaasortat ataasiakkaarlutik namminneq suliassaqarfimmi iluanni akisussaapput kaajallaasitami aalajangersakkat malinneqarnissaannut, matumani aningaasaliissutit killiussat malinneqarnissaat pineqartumut tunngatillugu ilassinninnermut aamma angalanermut aningaasaliissutininut tunngasut ilanngullugit.

*Imm. 2.* Naalakkersuisunut ilaasortat ataasiakkaat ilassinninnermut aamma angalanermut aningaasartuutaasa, Naalakkersuisut kontoatigut kaajallaasitaq manna naapertorlugu suliari-neqarnerat naatsorsuutinullu nalunaarsorneqarnerat, pisortaqarfinni taamatut suliaqartussatut toqqarneqartunit isumagineqassapput. Taamatuttaaq pisortaqarfiit aningaasartuutininut pineqartunut tunngatillugu missingersuutininut naleqqiussisarlutik malinnaaneq isumagissavaat. Naalakkersuisut Allattoqarfiata Naalakkersuisut siulittaasuannut aningaasartuutit tunngassuteqartut pillugit aamma aningaasartuutininut allanut tunngasut Naalakkersuisut kontoanit akilerneqartartut pillugit suliassanik naatsorsuutinullu nalunaarsuineq kiisalu missingersuutininut naleqqiussisarlungi malinnaaneq isumagissavaa.

*Imm. 3.* Kaajallaasitami matumani aalajangersakkat Namminersornerullutik Oqartussani qanoq ilisukkulluunniit naatsorsuuserineq pillugu aalajangersakkanut atuuttunut tapertaapput. Aalajangersakkat taakku taamaammat malinneqassapput kaajallaasitami matumani aalajangersakkat malinneqarnerat peqatigalugu.

## **Kapitali 5**

### *Atuutilermera*

**§ 17.** Kaajallaasitaq una atuutilerpoq ulloq 15. december 2005. Peqatigisaanik Naalakkersuisut ilassinnissutininik atuisarnerat pillugu Naalakkersuisut kaajallaasitaat 1. august 1993-imeersoq atorunnaarpoq.

*Namminersornerullutik Oqartussat, ulloq 14. december 2005*

Hans Enoksen

/

Kaj Kleist

- Ilaliussat:
1. § 4, imm. 1, imalunniit § 11, imm. 2, immikkoortoq 1, nassuiaammut immersugassaq
  2. § 13, imm. 2 naapertorlugu noqqaasuteqarnermi immersugassaq
  3. Sammisat assigiinnitsut aallaavigalugit missingersuutitut takussutissiaq

Sammisat assigiinngitsut aallaavigalugit missingersuutitut takussutissiaq, ilassinninnermut aningaasartuutunik, angalanermi aningaasartuutunik aamma aningaasartuutunik allanik il.il. Naalakkersuisut atuinerat pillugu Naalakkersuisut kaajallaasitaanni 14. december 2005-imeersuni iluarsiffigineqartut pillugit. Kaajallaasitaq aalajangersakkanik pituttuisunik imaqarpoq.

<b>Assersuut</b>	<b>Maleruagassat</b>	<b>Inuit pineqartut</b>	<b>Killissaritit</b>	<b>Immikkut piumasarisat</b>	<b>Kontoliineq</b>
Tamanut tunngasoq (Ilassinninneq)	§§ 1, 2 og 3	Tamanut tunngavoq.	Tupanut atuisoqassanngilaq.	Akikinnerpaajutitsiniarneq. Immikkut pissuteqarneq.	Naalakkersuisut
Ullup qeqqasiorluni unnukkulluunniit neriniartarfimmi il.il. nereqatiginneq (Ilassinninneq)	§ 4	Naalakkersuisunut ilaasortat, atorfillit aamma peqataasut avataaneersut.	Aningaasat amerlanerpaaffeqarput (ullormusiat + 100%) peqataasumut ataatsimut aaqjissuussinnermi ataatsimi	Namminersornerullutik Oqartussat soqutigisaqassapput. Allakkatigut nalunaarusiaq Naalakkersuisunut ilaasortamit atsiorneqassaaq.	Naalakkersuisut
Tunissutit (Ilassinninneq)	§ 5, imm. 1-4	Peqataasut avataaneersut. Suliffeqarfii il.il.	Innunut: 1.000 kr. Suliffeqarfinnut il.il.: 5.000 kr. Tunissutit annikinnerusut: 300 kr.	§ 5, imm. 1 – 3-mut aalajangersakkat ataasiakkaat apeqqutaatillugit.	Naalakkersuisut
Sanioqutineq (tunissutit)	§ 5, imm. 4			Sioqullugu allakkatigut Naalakkersuisut siulittaasuaniit akuersissuteqarneq.	Naalakkersuisut
Tunissutit (Ilassinninnerunngitsaq)	§ 5, imm. 5 (Kontrolersuineq)	Namminersornerullutik Oqartussani atorfillit, suliffeqarfii atilequtaasut il.il.			Pisortaqarfik
Sulisorisat katerisimaarnerat (Ilassinninnerunngitsaq)	§ 6, imm. 1 (Kontrolersuineq)	Naalakkersuisunut ilaasortat Namminersornerullutik Oqartussani atorfillit kiisalu immaqa aapparisat aamma inooqatigisat.			Pisortaqarfik
Avitsineq (Ilassinninneq)	§ 6, imm. 2 (Kontrolersuineq)	Namminersornerullutik Oqartussani atorfillit allallu aamma peqataasut avataaneersut.			Naalakkersuisut/ pisortaqarfik
Ussasaarutit il.il. (Ilassinninneq)	§ 7	Inuit avataaneersut il.il.	Aningaasartuutit annikinnerusut.	Ussasaarutitut assigisaanullu aningaasartuutitut uppersaasersuinissamik piumasaqaat sakkukinneraaq.	Naalakkersuisut
Angalaneq	§ 8, imm. 1-2	Naalakkersuisunut ilaasortat.	Akiligassaq malillugu.	Piumasaavoq akikillisaanernik aaqjissuussinnerit atornerqarnissaat.	Naalakkersuisut
Ataatsimoorluni angalaneq	§ 8, imm. 3 (Kontrolersuineq)	Naalakkersuisunut ilaasortat, Namminersornerullutik Oqartussani atorfillit allallu.		Akiligassat missingersuussinikkut avinneqassapput.	Naalakkersuisut/ pisortaqarfik
Nerisaqarneq	§ 8, imm. 4-5	Naalakkersuisunut ilaasortat.	Akiligassaq malillugu, kisianni amerlanerpaaffeqarput ullormusiat + 100 % ulloq unnuarluni ataatsimi		Naalakkersuisut
Atisat il.il.	§ 8, imm. 6	Naalakkersuisunut ilaasortat.	Pisisoqarsinnaanngilaq	Angalanermi errorsititsineq saliitsinerlu	Naalakkersuisut
Aapparisap angalaqataanera	§ 9	Naalakkersuisunut ilaasortat aamma taakku aappaat imaluunniit inooqataat.	Immikkut itumik pissutissaqartillugu	Pisortatigoortumik sinniisut soorlu borgmesteri, naalakkersuisunut ilaasortaq qaffasinnerusulluunniit inissisimasup peqataanerat.	Naalakkersuisut
Allaffissornermut ataatsimiinermilu aningaasartuutit	§ 11	Naalakkersuisunut ilaasortat aamma Namminersornerullutik Oqartussani atorfillit.			Pisortaqarfik
Sutugaqartinneqarneq	§ 11, imm. 2	Naalakkersuisunut ilaasortat aamma Inatsisartunut ilaasortat.	Aaqjissuussinnerit ilaannut § 4-mi aalajangersakkat malillugit.	Sulianik pissuteqartumik aaqjissuussinnerit kiisalu § 4-mi piumasaqaatit assingi.	Nalakkersuisut
Atorfeqarnermi najugaq	§ 12	Naalakkersuisunut ilaasortat.		Aningaasarsiaqartitaaneq pillugu inatsimmi maleruagassat.	Naalakkersuisut
Inigisap pequtsorsornera	§ 12	Naalakkersuisunut ilaasortat.	INI A/S-ip pitsaassuserititaa	Pequtunik attartornermut akiliut.	Naalakkersuisut
Aningaasaliissutitut killissaritit il.il.	§ 13-14	Naalakkersuisunut ilaasortat.			Naalakkersuisut
Atuineq akisussaanerlu	§ 15-16	Naalakkersuisunut ilaasortat aamma pisortaqarfii			Naalakkersuisut



Naalakkersuisut Allattoqarfiat  
J. nr. 02.13  
14. december 2005

***Naalakkersuisut ataasimoorussamik kontoaniit ilassinninnermut aningaasartuutit matu-  
neqarnissaanik noqqaaneq, tak. ilassinnissutinik il.il. atuineq pillugu Naalakkersuisut kaa-  
jallaasitaat (immikkoortortap taaguutaa)***

***Aningaasartuuteqarnissamut siunertaq***

***Peqataasut, ataasiakkaarlugit imaluunniit eqimattanngorlugit***

***Aningaasartuutissanut missingersuut***

<i>Sutugassat</i>	
<i>Angalaneq</i>	
<i>Najugaqarneq</i>	
<i>Tunissutit</i>	
<i>Katillugit (kr.)</i>	

Nuuk, ulloq: \_\_\_\_\_

\_\_\_\_\_  
(Naalakkersuisunut ilaasortap atsiornera)

Aningaasartuutit killissaat akuerisaq: \_\_\_\_\_

Nuuk, ulloq: \_\_\_\_\_

\_\_\_\_\_  
(Naalakkersuisut siulittaasuata atsiornera)

Naalakkersuisut Allattoqarfiani nalunaarsorneqarpoq: \_\_\_\_\_

(Allattoqarfiup atsiornera)

Allattoqarfiup naatsorsuuseriviani immersugassaq atsiugaq nalunaarsorneqareerpat naalakker-  
suisoqarfimmut utertinneqassaaq.

Naalakkersuisut Allattoqarfiat  
J. nr. 02.13  
14. december 2005

***Ilassinninnermut il. il. aningaasanik Naalakkersuisut atuinerat pillugu kaajallaasitaq 14. december 2005-imeersoq § 4, imm. 1 imaluunniit § 11, imm. 2, immikkortoq 1 naapertorlugu Naalakkersuisunut ilaasortap (aqqa allanneqassaaq) nassuiaataa.***

***Aningaasartuuteqarnermut siunertaq***

***Peqataasut, ataasiakkaarlugit imaluunniit eqimattanngorlugit***

***Nassuiaat sooq Kalaallit Nunaanni Namminersornerullutik Oqartussat soqutigisarineraat, aningaasartuutit Nunatta karsianit akilerneqarnerat.***

***Aningaasartuutit katillugit uppersaatinut ilanngussat malillugit:***

Nuuk, ulloq: \_\_\_\_\_

\_\_\_\_\_  
(Naalakkersuisunut ilaasortap atsiornera)

Immersugaq atsiugaq aningaasartuutininut uppersaatinut ilanngussanut pisortaqarfimmi naatsorsuuseriffimmiittunut kakkiunneqassaaq.